

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

GIZARTE POLITIKEN SAILA

Foru Gobernu Kontseiluaren 28/2021 Foru Dekretua, ekainaren 29koa. Aldatzea Arabako autonomiarako eta mendekotasunari arreta emateko sistemaren prestazio ekonomikoak arautzen dituen Diputatuen Kontseiluaren abuztuaren 1eko 39/2014 Foru Dekretua

Foru dekretu honen xedea da zenbait aldaketa sartzea Diputatuen Kontseiluaren abuztuaren 1eko 39/2014 Foru Dekretuan, hain zuzen, arautzen dituena autonomiaren aldeko eta mendekotasunari arreta eskaintzeko sistemako prestazio ekonomikoak Araban: mendekoak familia barruan zaintzeko eta zaintzaile ez profesionalei laguntzeko prestazio ekonomikoa, laguntza pertsonalaren prestazio ekonomikoa eta zerbitzuari lotutako prestazio ekonomikoa.

Aldaketak gizarte zerbitzuen euskal sistemaren prestazio eta zerbitzuen zorroari buruzko urriaren 6ko 185/2015 Dekretuak ezartzen duenaren edukiari egokitzen zaizkio, batetik; 2019ko uztailaren 1etik aurrera Zainduz Araba programa arautzen da; eta, azkenik, arau erreferentziak eta eguneroko praktikak ezartzen dituen gaiak eguneratzen dira.

Era berean, 28. artikulua aldatu da, prestazio ekonomikoak eta zerbitzuak aldi berean erabiltzeagatik minorazioak egokitzeko gertatu diren arau aldaketei.

Halaber, segurtasun juridikoaren printzipioa bermatzeko eta txertatzen diren aldaketak ulergarriago egiteko, aldaketaren bat jasaten duten artikulua osorik idatzi eta argitaratzen dira, aldaketaren irismena edozein dela ere.

Arau xedapen hau izapidetzerakoan, kontuan hartu da zer dioten Arabako Emakumeen eta Gizonen Berdintasunerako IV. Foru Planak (2016-2020) oinarri dituen emakumeen eta gizonen berdintasunerako printzipioek eta Eusko Legebiltzarraren Emakumeen eta Gizonen Berdintasunerako otsailaren 18ko 4/2015 Legearen edukiak, xedea baita hauexek erdiestea: tratu berdintasuna, aukera berdintasuna, dibertsitatearekiko eta desberdintasunarekiko errespetua, genero ikuspegia txertatzea, positiboki ekitea, sexuaren araberako rolak eta estereotipoak desagerraraztea, ordezkariak orekatua izatea eta koordinatuta eta lankidetzan jardutea. Aldatu nahi den araudiak arautzen dituen prestazioak emateko, legezketasunaren, gardentasunaren eta berdintasunaren printzipioak izango dira kontuan. Inpaktu negatiborik ez dadin egon emakumeen eta gizonen berdintasun arloan, emandako salbuespenen urteko jarraipena egin nahi da, genero ikuspegitik abiatuta, egon litezkeen desparekotasunak zuzentzeko. Halaber, estatistikak eta azterlanak egokituko dira sexuka banakatutako datuak izateko.

Horregatik, Gizarte Politiken Saileko foru diputatuak proposatuta, Gizarte Ongizaterako Foru Erakundearen Administrazio Kontseilua jakinaren gainean jarrita eta Gobernu Kontseiluak gaur bertan egindako bilkuran gaia aztertu eta gero, hau

XEDATZEN DUT

Lehenengoa. Aldatzea Diputatuen Kontseiluaren abuztuaren 1eko 39/2014 Foru Dekretuaren 5. artikulua, arautzen dituena autonomiaren aldeko eta mendekotasunari arreta eskaintzeko sistemako prestazio ekonomikoak Araban: mendekoak familia barruan zaintzeko eta zaintzaile ez profesionalei laguntzeko prestazio ekonomikoa, laguntza pertsonalaren prestazio ekonomikoa eta zerbitzuari lotutako prestazio ekonomikoa. Honela geratzen da artikulua hori:

5. artikulua. Prestazio ekonomikoen arteko bateragarritasunaren eta bateraezintasunaren araubidea

1.- Foru dekretu honetan araututako prestazio ekonomikoak bateraezinak izango dira beti elkarren artean. Beraz, prestazio horietako bat eskuratzen duenak ezin izango du jaso besterik.

Aurrekoa gorabehera, Arabako Foru Aldundiak ematen duen babes maila osagarriaren esparruan, mendekotasun egoeran dagoen pertsona etxean egotea errazten duten laguntza, zainketak eta arreta emateko prestazio ekonomikoak bateragarri egin ahal izango dira I. graduako mendekotasun egoeran dauden eta Mendekotasuna Baloratzeko Baremoko (MBB) 40 puntu edo gehiago dituzten pertsonentzat, II. graduako mendekotasuna dutenentzat edo III. graduako mendekotasuna dutenentzat, era honetara:

a) Laguntza pertsonalerako prestazio ekonomikoa eta zerbitzuari lotutako prestazioa bateragarriak izan daitezke, baina horretarako ezinbestekoa da bigarrena lehenengoarekin bateragarria den zerbitzu bati lotuta egotea.

b) Familia inguruneko zainketetarako eta zaintzaile ez profesionalei laguntzeko prestazio ekonomikoa eta zerbitzuari lotutako prestazio ekonomikoa bateragarri egin ahal izango dira, bigarrena lehenengoarekin bateragarria den zerbitzu batekin lotzen bada.

Bateragarritze horiek egiteak berekin ekarriko du foru dekretu honen 29. artikuluan aipatutako murriztapenak aplikatzea.

2.- Era berean, foru dekretu honetan araututako prestazio ekonomikoak ezin dira bateratu ondoko prestazio hauekin:

a) 39/2006 Legea oinarri hartuta (abenduaen 14koa, autonomia pertsonala sustatzeari eta mendekotasun egoeran dauden pertsonak zaintzeari buruzkoa) Arabako Foru Aldundiak garututako beste edozein prestazio ekonomiko, mendeko pertsonen autonomia pertsonala sustatzea nahiz eguneroko bizitzako oinarrizko jarduerak egiteko zailtasunak dituzten pertsonen arreta ematea helburu dutenak, laguntzarako produktuak eskuratzeko eta/edo etxebizitza moldatzeko direnak izan ezik.

b) Antzeko helburuetarako Arabako Foru Aldundiak ematen dituen beste prestazio batzuk, subjektu eragilea edo onuraduna mendekotasuna duen pertsona bada, nahiz eta prestazioa familia unitateko beste kide baten izenean egon.

3.- Foru dekretu honetan araututako prestazio ekonomikoak bateragarriak izango dira Estatu arautegian antzeko helburuetarako ezarritako beste prestazio batzuekin, subjektu eragilea edo onuraduna mendekotasuna duen pertsona bada, nahiz eta prestazioa beste pertsona baten izenean egon. Hauek dira:

a) Urriaren 30eko 8/2015 Legegintzako Errege Dekretuak, Gizarte Segurantzaren Lege Orokorren testu bategina onartzen duenak, 194. artikuluan eta hurrengoetan araututako baliaezintasun handiaren osagarria.

b) Urriaren 30eko 8/2015 Legegintzako Errege Dekretuak, Gizarte Segurantzaren Lege Orokorren testu bategina onartzen duenak, 353 c) artikuluan ezarritakoari jarraiki, desgaitasun maila ehuneko 75koa edo handiagoa daukan 18 urtetik gorako ardurapeko seme-alabaren ziozko esleipen ekonomikoaren osagarria.

c) Kotizaziopekoa ez den baliaezintasun pentsioaren osagarria, beste pertsona baten beharra edukitzearen ziozkoa, urriaren 30eko 8/2015 Legegintzako Errege Dekretuak, Gizarte Segurantzaren Lege Orokorren testu bategina onartzen duenak, 364. artikulua ezarritakoari jarraiki.

d) Hirugarren pertsona baten laguntzaren ziozko sorospena, Minusbaliatuen Gizarteratzeari buruzko apirilaren 7ko 13/1982 Legearen 12.2 c) artikulua arautzen duena, eta Desgaitasuna duten Pertsonen Eskubideei eta haiek Gizarteratzeari buruzko Lege Orokorren testu bateratua onartzen duen azaroaren 29ko 1/2013 Legegintzako Errege Dekretuak mantentzen duena, legegintzako errege dekretu hori indarrean jarri baino lehenagotik hura jasotzen duten eta dekretu horren xedapen iragankor bakarrean ezarritako baldintzak betetzen dituzten pertsonentzat.

Horrelako kasuetan, 3. paragrafo honetan aipatutako prestazio ekonomikoak foru dekretu honen 30. artikuluan araututako baldintzetan murriztuko dira.

Bigarrena. Aldatzea Diputatuen Kontseiluaren abuztuaren 1eko 39/2014 Foru Dekretuaren 8. artikulua, arautzen dituena autonomiaren aldeko eta mendekotasunari arreta eskaintzeko sistemako prestazio ekonomikoak Araban: mendekoak familia barruan zaintzeko eta zaintzaile ez profesionalei laguntzeko prestazio ekonomikoa, laguntza pertsonalaren prestazio ekonomikoa eta zerbitzuari lotutako prestazio ekonomikoa. Honela geratzen da artikulua hori:

8. artikulua. Eskubidearen titularrak

1.- Foru dekretu honetan araututako prestazio ekonomikoetariko edozeinen titular izan ahal lako dira, oinarrizko babes mailan, I., II. edo III. graduako mendekotasun egoera aitortuta duten pertsonak, foru dekretu honetan eta foru dekretu honen 1. artikuluko 2. eta 3. idatz zatiek aipatzen dituzten arauetan prestazio ekonomiko horietariko bakoitza eskuratzeko ezarritako betekizun orokorrak eta berariazkoak betetzen badituzte.

2.- Gizarte Ongizaterako Foru Erakundeak laguntza pertsonalerako eta zerbitzuari lotutako prestazio ekonomikorako ezarritako babes maila gehigarria eskuratu ahal izango dute, artikulua honetako 1. paragrafoan jasotakoa betetzeaz gain, beren mendekotasun egoera onartzeko lehen eskaera egin aurreko 3 urteetan Arabako Lurralde Historikoan errolatuta daudela eta bertan benetan bizi direla egiaztatzen dutenek. Babes maila osagarri hori jaso ahal izango dute, halaber, mendekotasuna aitortzen zaien egunaren ondoren 3 urte jarraian egiten dituztenak Arabako Lurralde Historikoan errolatuta eta bertan egiaz bizitzen, hala eskatzen badute, foru dekretu honen I. eranskineko 17. inprimakia betetz, eta hala frogatzen badiote Gizarte Ongizaterako Foru Erakundeari.

Aurrekoa gorabehera, arreta txandakatzen den kasuetan, babes maila osagarria jasotzeko, frogatu egin beharko da, gainera, mendekotasuna duen pertsonak Arabako Lurralde Historikoan duela benetako bizilekua urtean 8 hilabetez, gutxienez ere.

3.- Babes maila gehigarriko prestazio ekonomikoak emateko eta ordaintzeko, ezinbestekoa izango da horretarako aurrekontu kreditu egoki eta nahikoa egotea.

Hirugarrena. Aldatzea Diputatuen Kontseiluaren abuztuaren 1eko 39/2014 Foru Dekretuaren 12. artikulua, arautzen dituena autonomiaren aldeko eta mendekotasunari arreta eskaintzeko sistemako prestazio ekonomikoak Araban: mendekoak familia barruan zaintzeko eta zaintzaile ez profesionalei laguntzeko prestazio ekonomikoa, laguntza pertsonalaren prestazio ekonomikoa eta zerbitzuari lotutako prestazio ekonomikoa. Honela geratzen da artikulua hori:

12. artikulua. Ahaidetasunaren eta bizikidetzaren betekizunei aplikatu ahal zaizkien salbuespenak

1.- Ahaidetasunaren eta bizikidetzaren betekizunak, 10. eta 11. artikuluan eskatutakoak, salbuespenez kendu ahal izango zaizkie I., II. edo III. graduako mendekotasuna duten pertsonen, bizi diren lekuan behar bezala baimendutako baliabide publiko edo pribatuak nahikoak ez badira, despopulazioarengatik, inguruabar geografikoengatik edo bestelakoengatik, eta horrek bestelako laguntza modalitateak eragozten edo zailtzen baditu, zerbitzuak izan nahiz prestazio ekonomikoak izan. Aipatutako ingurunea, gainera, landa ingurunetzat hartu beharko da I. mailako mendekotasun egoeran dauden pertsonentzat. Kasu horiek salbuespenezkoak izango dira, eta berariaz aipatutakoen artean dagoen salbuespenezko egoera jaso beharko da. Kasu horietan, Gizarte Ongizaterako Foru Erakundeak bere inguruko pertsona baten zaintza ez profesionalak baimendu ahal izango ditu, baldin eta, aurreko artikuluan eskatutako ahaidetasun maila izan ez arren, mendekotasuna duen pertsonaren udalerrian edo ondoko batean bizi bada, eta eskaera aurkeztu baino urtebete lehenago bada.

2.- Era berean, 10. eta 11. artikuluetan eskatutako ahaidetasun loturaren salbuespena egin ahal izango da honako kasu hauetan:

a) Frogatzen baldin bada lotura pertsonala dagoela I., II. edo III. graduako mendekotasuna aitortuta duen pertsonaren eta zaintzailearen artean, elkarrekin bizi izan direlako gutxienez 5 urtean jarraian, dokumentazio osagarria aurkezten den egunaren aurre-aurreko bost urteetan hain zuzen. Betiere inguruabar hori aldi osorako frogatu behar da errolda agiriaren bitartez, eta erreferentziako gizarte zerbitzuko teknikariak benetako maitasun eta zaintza harremana dagoela iritzi behar dio.

b) Erligiosoen euren komunitateko pertsonak zaintzen dituztenean.

3.- Artikulu honetan azaldutako kasu guztietan eskatuko da zaintzaile ez profesionala ez dadila izan etxeko langilea onuradunaren etxean, eta arreta eta zainketak ez daitezela eman lan kontratu baten edo bestelako kontratu baten bidezko harremanen esparruan.

Laugarrena. Aldatzea Diputatuen Kontseiluaren abuztuaren 1eko 39/2014 Foru Dekretuaren 19. artikulua, arautzen dituen autonomiaren aldeko eta mendekotasunari arreta eskaintzeko sistemako prestazio ekonomikoak Araban: mendekoak familia barruan zaintzeko eta zaintzaile ez profesionalak laguntzeko prestazio ekonomikoak, laguntza pertsonalaren prestazio ekonomikoak eta zerbitzuari lotutako prestazio ekonomikoak. Honela geratzen da artikulua hori:

19. artikulua. Mendekotasuna duen pertsonak bete beharreko berariazko betekizunak

Berariaz, zerbitzuari lotutako prestazio ekonomikoak jaso ahal izateko, mendekotasuna duen pertsonak, 9. artikuluan ezarritako betekizun orokorrez gainera, berariazko betekizun hauek bete beharko ditu:

a) Prestazioari lotutako zerbitzua jasotzeko betekizunak betetzea.

b) Zerbitzuari lotutako prestazio ekonomikoak, modalitate arruntekoak, gizarte zerbitzuen foru saretik kanpoko zerbitzu eta zentroak erabiltzeko izanez gero, hurrengo artikuluan ezarritako baldintzak betetzen dituen zerbitzu edo zentro batean plaza daukala frogatu beharko du mendekotasuna duen pertsonak.

Eguneko zentro edo zerbitzu baten erabiltzaile batek foru zerbitzuari lotutako prestazio ekonomikoak jasotzen badu, modalitate arruntekoak, 45 egunetik gorako eta 3 hilabetetik behar den egonaldia egiteko adinekoentzako ostatu zerbitzu batean (etxebizitza komunitarioa), desgaitasuna edo buru gaixotasuna duten pertsonentzako laguntzadun etxebizitza batean edo egoitza zerbitzu nahiz zentro batean –kasu guztietan, gizarte zerbitzuen foru saretik kanpokoak–, eguneko zentro edo zerbitzuko plaza gorde ahal izango du, baldin eta zerbitzu horren prezio publikoaren ehuneko 90 ordaintzen badu, adinekoentzako ostatu zerbitzuan (etxebizitza komunitarioa), desgaitasuna edo buru gaixotasuna duten pertsonentzako laguntzadun etxebizitzan edo egoitza zentroan egiten duen lehenengo egunetik aurrera.

c) Zerbitzuari lotutako prestazio ekonomikoak, atsedenerako modalitatekoak, adinekoentzako ostatu zerbitzua (etxebizitza komunitarioa), desgaitasuna edo buru gaixotasuna duten pertsonentzako laguntzadun etxebizitza edo egoitza zentro nahiz zerbitzu –guztiak ere gizarte zerbitzuen foru saretik kanpokoak– erabiltzeko izanez gero, mendekotasuna duen pertsona bere etxean bertan zaindu behar dute ohikotasunez gutxienez hiru hilabete jarraian bai atsedeneraren aurretik bai ondoren. Aurrekoa ez da eskatuko baldin eta atsedenerako egonaldi horretan mendekotasuna bat-batean larriagotzen bada edo familiaren egoeraren ezusteko aldaketaren batek etxera itzultzea eragozten badiu mendekotasuna duen pertsonari; horrelakoetan, zerbitzuari lotutako prestazio ekonomikoak, hasiera batean atsedenerako modalitatean emandakoa, modalitate arruntekoak bihurtuko da eta azken modalitate horri dagokion zenbatekoak aplikatuko da mendekotasuna duen pertsonaren egoera larriagotu den egonaldiaren hasieratik.

Bosgarrena. Aldatzea Diputatuen Kontseiluaren abuztuaren 1eko 39/2014 Foru Dekretuaren 20. artikulua, arautzen dituen autonomiaren aldeko eta mendekotasunari arreta eskaintzeko sistemako prestazio ekonomikoak Araban: mendekoak familia barruan zaintzeko eta zaintzaile ez profesionalei laguntzeko prestazio ekonomikoa, laguntza pertsonalaren prestazio ekonomikoa eta zerbitzuari lotutako prestazio ekonomikoa. Honela geratzen da artikulua hori:

20. artikulua. Zerbitzu edo zentroak bete beharreko betekizunak

Zerbitzuari lotutako prestazio ekonomikoa zein zerbitzu edo zentrori lotzen zaion, zerbitzu edo zentro horrek honako baldintza hauek bete beharko ditu:

1) Ohiko modalitaterako:

a) Funtzionamendurako baimena edukitzea, Arabako Foru Aldundiak emana, Gizarte Zerbitzuei buruzko abenduaren 5eko 12/2008 Legearen 41.10 artikuluan baimentzeko, ikuskatzeko, erregistratzeko eta homologatzeko ematen zaizkion eskumenak erabiliz eta Euskal Autonomia Erkidegoko gizarte zerbitzuak nola baimendu, erregistratu, homologatu eta ikuskatu arautzen duen martxoaren 10eko 40/1998 Dekretuan xedatutakoari jarraituz, zerbitzu edo zentro motaren arabera materialen, eginkizunen eta langileriaren aldetik bete behar diren baldintzak betetzen direla egiaztatuta eta gero.

b) Egiatzipena edukitzea, Arabako Foru Aldundiak emana, zerbitzuari lotutako prestazio ekonomikoari atxikitako zentro edo zerbitzu gisa jarduteko. Egiatzipen horren esparruan, zentro edo zerbitzuari eskatuko zaio foru zerbitzuari ohiko modalitatean lotutako prestazio ekonomiko baten esparruan sartzeko diren pertsonen harremana formalizatzeko kontratua mugagabea izatea, baina hasierako probaldi bati lotuta.

c) Arabako Lurralde Historikoan kokatua egotea, foru dekretu honen lehen xedapen gehigarriaren 1.c) apartatuan jasotako salbuespen egoerari kalterik egin gabe.

2) Atsedeen modalitaterako, atxikita dagoen zentroa edo zerbitzua beste edozein lurralde historikotan edo beste autonomia erkidego batean egon ahal izango da kokatuta, eta organo eskudunak emandako funtzionamendurako baimena eta/edo egiaztatzea izan beharko ditu, bai eta eskatzaileak aurkeztu beharreko dokumentazioa ere.

Seigarrena. Aldatzea Diputatuen Kontseiluaren abuztuaren 1eko 39/2014 Foru Dekretuaren 27. artikulua, arautzen dituen autonomiaren aldeko eta mendekotasunari arreta eskaintzeko sistemako prestazio ekonomikoak Araban: mendekoak familia barruan zaintzeko eta zaintzaile ez profesionalei laguntzeko prestazio ekonomikoa, laguntza pertsonalaren prestazio ekonomikoa eta zerbitzuari lotutako prestazio ekonomikoa. Honela geratzen da artikulua hori:

27. artikulua. Prestazio ekonomikoen zenbatekoa zehaztea pertsona bakoitzaren ahalmen ekonomikoaren arabera

1.- Autonomia pertsonala sustatzeari eta mendekotasun egoeran dauden pertsonak zaintzeari buruzko abenduaren 14ko 39/2006 Legearen 33.2 artikuluan ezarritakoarekin bat, pertsona bakoitzari dagozkion prestazio ekonomikoen zenbatekoa zehazteko kontuan hartuko da haren ahalmen ekonomikoa. Gizarte Ongizaterako Foru Erakundeak ematen dituen zerbitzuen prezio publikoari buruzko foru araudian ezarritakoaren arabera baloratuko da ahalmen ekonomikoa.

Aurrekoa ez da aplikatuko zerbitzuari lotutako prestazio ekonomikoa ematen denean atsedenerako zerbitzuak erabili ahal izateko eguneko zentroan edo eguneko arreta zerbitzuan, adinekoentzako gaueko zerbitzuan edo zentroan, adinekoentzako ostatu zerbitzuan (etxebizitza komunitarioa), desgaitasuna edo buru gaixotasuna duten pertsonentzako laguntzadun etxebizitzan, edo egoitza zerbitzuan edo zentroan –denak ere gizarte zerbitzuen foru saretik kanpokoak–. Horrelakoetan foru dekretuz zehazten diren zenbatekoak bakarrik hartuko dira kontuan, 26. artikuluan aurreikusi bezala.

2.- Onuradun bakoitzari aitortu beharreko prestazio ekonomikoaren zenbatekoa zehazteko, ekitaldi bakoitzerako indarra duen gehieneko zenbatekoari, aurreko artikuluan aipatutakoari, honako ehuneko hauek aplikatuko zaizkio, artikulua honetako aurreko paragrafoan ezarritako eran kalkulaturako ahalmen ekonomikoaren arabera:

a) Familia inguruneko zainketetarako eta zaintzaile ez profesionalei laguntzeko prestazio ekonomikoaren kasuan:

BANAKOAREN AHALMEN EKONOMIKOA URTEAN	EHUNEKOA
68.796 eurotik gora	ehuneko 40
59.625 - 68.796 euro bitartean	ehuneko 50
50.452 - 59.624 euro bitartean	ehuneko 60
41.279 - 50.451 euro bitartean	ehuneko 70
32.106 - 41.278 euro bitartean	ehuneko 80
22.932 - 32.105 euro bitartean	ehuneko 90
22.932 eurotik behera	ehuneko 100

b) Laguntza pertsonalerako prestazio ekonomikoaren kasuan:

BANAKOAREN AHALMEN EKONOMIKOA URTEAN	EHUNEKOA
91.728 eurotik gora	ehuneko 50
77.970 - 91.728 euro bitartean	ehuneko 60
64.211 - 77.969 euro bitartean	ehuneko 70
50.452 - 64.210 euro bitartean	ehuneko 80
36.692 - 50.451 euro bitartean	ehuneko 90
36.692 eurotik behera	ehuneko 100

c) Zerbitzuari lotutako prestazio ekonomikoa denean, modalitate arruntekoa, gizarte zerbitzuen foru saretik kanpoko zerbitzuak erabiltzekoa:

BANAKOAREN AHALMEN EKONOMIKOA URTEAN	EHUNEKOA
96.315 eurotik gora	ehuneko 40
82.557 - 96.315 euro bitartean	ehuneko 50
68.797 - 82.556 euro bitartean	ehuneko 60
55.038 - 68.796 euro bitartean	ehuneko 70
45.865 - 55.037 euro bitartean	ehuneko 80
36.692 - 45.864 euro bitartean	ehuneko 90
36.692 eurotik behera	ehuneko 100

Prestazio ekonomikoaren banakako zenbatekoari, 2. paragrafoan ezarritakoaren arabera zehaztutakoari, 28. eta 29. artikuluetan aurreikusitako murrizketak eta 30. artikuluan aurreikusitako kenketak aplikatu ahal izango zaizkio, aplikagarriak direnean.

3.- Aurreko bi paragrafoetan adierazitako moduan zehazten den prestazio ekonomikoaren zenbatekoak inoiz ere ez ditu honako hauek gaindituko:

a) Laguntzaile pertsonala –edo, kasua denean, laguntzaile pertsonalak– kontratatzearen benetako kostua, laguntza pertsonalerako prestazio ekonomikoaren kasuan.

b) Kontratatutako zerbitzu edo zentroaren benetako kostua, zerbitzuari lotutako prestazio ekonomikoaren kasuan.

Zazpigarrena. Aldatzea Diputatuen Kontseiluaren abuztuaren 1eko 39/2014 Foru Dekretuaren 28. artikulua, arautzen dituen autonomiaren aldeko eta mendekotasunari arreta eskaintzeko sistemako prestazio ekonomikoak Araban: mendekoak familia barruan zaintzeko eta zaintzaile ez profesionali laguntzeko prestazio ekonomikoa, laguntza pertsonalaren prestazio ekonomikoa eta zerbitzuari lotutako prestazio ekonomikoa. Honela geratzen da artikulua hori:

28. artikulua. Murrizketak, zenbait prestazio ekonomiko eta zerbitzu batera erabiltzeagatik

1.- Baldin eta, foru dekretu honen 6.1 artikuluan ezarri den prestazio ekonomikoen eta zerbitzuen arteko bateragarritasun araubidea dela medio, familia inguruneko zainketetarako eta zaintzaile ez profesionali laguntzeko prestazio ekonomikoa jasotzen bada eta aldi berean etxetik etxeko laguntza zerbitzua erabiltzen bada, ehuneko 25 murriztuko da prestazio ekonomikoaren banakako zenbatekoa, aurreko artikuluan definitutakoa.

Murrizketa hori etxeko laguntza zerbitzua abian jartzen den egunetik aurrera aplikatuko da. Prestazio ekonomikoa eskatzeko unean eskatzailea jada etxetik etxeko laguntza zerbitzuaren erabiltzaile bada, prestazio ekonomikoa jasotzen hasten den egunetik aurrera aplikatuko da murrizketa. Murrizketa horri eutsiko zaio harik eta etxeko laguntza zerbitzurako eskubidea iraungi arte.

2.- Baldin eta, foru dekretu honen 6.1 artikuluan ezarri den prestazio ekonomikoen eta zerbitzuen arteko bateragarritasun araubidea dela medio, familia inguruneko zainketetarako eta zaintzaile ez profesionali laguntzeko prestazio ekonomikoa edo laguntza pertsonalerako prestazio ekonomikoa jasotzen bada eta aldi berean eguneko zentroko zerbitzua edo eguneko arreta zerbitzua –zentro okupazionala barne– erabiltzen bada, edo adinekoentzako gaueko zerbitzu edo zentroa erabiltzen bada, honako portzentaje hauetan murriztuko da prestazio ekonomikoaren banakako zenbatekoa, aurreko artikuluan definitutakoa.

Gaueko zerbitzua edo zentroa:

– Arreta astelehenetik igandera: ehuneko 45.

Eguneko zentroa: astelehenetik ostiralera:

– Jardunaldi osoa: ehuneko 30.

– Jardunaldi erdia: ehuneko 20.

Asteburuetako zentroa:

– Egun 1eko arreta: ehuneko 7,5.

– 2 eguneko arreta: ehuneko 15.

Autonomia pertsonaleko zentroa:

– Arreta pertsonala 29-35 ordu bitartean astean: ehuneko 30.

– Arreta pertsonala 22-28 ordu bitartean astean: ehuneko 25.

– Arreta pertsonala 15-21 ordu bitartean astean: ehuneko 20.

– Arreta pertsonala 8-14 ordu bitartean astean: ehuneko 15.

– Arreta pertsonala 7 ordura arte astean: ehuneko 10.

Kasuan kasuko murrizketa adinekoentzako eguneko zerbitzu edo zentroa edo gaueko zerbitzu edo zentroa eskuratzen den lehenengo egunetik aurrera aplikatuko da. Prestazio ekonomikoa eskatzeko unean pertsona jada aipatutako zerbitzuren baten erabiltzaile bada, prestazio ekonomikoa jasotzen hasten den egunetik aurrera aplikatuko da murrizketa. Murrizketa horri eutsiko zaio harik eta zerbitzurako eskubidea iraungi arte.

3.- Baldin eta, foru dekretu honen 6.1 artikuluan ezarri den prestazio ekonomikoen eta zerbitzuen arteko bateragarritasun araubidea dela medio, familia inguruneko zainketetarako eta zain-tzaile ez profesionalei laguntzeko prestazio ekonomikoa jasotzen bada eta harekin batera etxez etxeko laguntza zerbitzua eta eguneko zentroko zerbitzua edo eguneko arreta zerbitzua –zentro okupazionala barne– erabiltzen badira, edo harekin batera etxez etxeko laguntza zerbitzua eta adinekoentzako gaueko zerbitzu edo zentroa erabiltzen badira, aurreko idatz zatietan, hurrenez hurren, aurreikusitako murrizketak aplikatuko dira. Betiere, prestazioaren banakako zenbatekoa, aurreko artikuluan definitutakoa, ezingo da ehuneko 65 baino gehiago murriztu, gutzira.

4.- Artikulu honetako 2. eta 3. apartatueta azaldutako kasuetan, prestazio ekonomikoarekin batera erabiltzen den eguneko zentro nahiz eguneko arreta zerbitzua edo gaueko zerbitzu nahiz zentroa atsedenerako modalitatekoa denean, atsedenaldio egunei bakarrik eragiten dien murrizketa aplikagarria ehuneko 2koa izango da egunero, eta Gizarte Ongizaterako Foru Erakundeak ofizioz aplikatuko du, hura aplikatzeko ebazpenik eman beharrik izan gabe.

Zortzigarrena. Aldatzea Diputatuen Kontseiluaren abuztuaren 1eko 39/2014 Foru Dekretuaren 30. artikulua, arautzen dituen autonomiaren aldeko eta mendekotasunari arreta eskaintzeko sistemako prestazio ekonomikoak Araban: mendekoak familia barruan zaintzeko eta zain-tzaile ez profesionalei laguntzeko prestazio ekonomikoa, laguntza pertsonalaren prestazio ekonomikoa eta zerbitzuari lotutako prestazio ekonomikoa. Honela geratzen da artikulua hori:

30. artikulua. Kenketak

1.- Foru dekretu honetan araututako prestazio ekonomikoetariko edozeinen onuraduna – artikulua honetako 2. paragrafoan aurreikusitako salbuespena salbu– gizarte babeserako beste araubide publiko batean izaera eta xede berak edo antzekoak dituen beste edozein prestazioren titularrak denean, prestazio horiei dagozkien zenbatekoak kenduko zaizkio 27. artikuluan aplikazioaren ondorioz eta, hala behar denean, 28. eta/edo 29. artikuluetan aurreikusitako murrizketen aplikazioaren ondorioz ateratzen den prestazioaren zenbatekoari. Bereziki, honako prestazio hauei dagozkien zenbatekoak kenduko dira:

a) Urriaren 30eko 8/2015 Legegintzako Errege Dekretuak, Gizarte Segurantzaren Lege Orokorren testu bategina onartzen duenak, 194. artikuluan eta hurrengoetan araututako baliaezintasun handiaren osagarria.

b) Urriaren 30eko 8/2015 Legegintzako Errege Dekretuak, Gizarte Segurantzaren Lege Orokorren testu bategina onartzen duenak, 353 c) artikuluan ezarritakoari jarraiki, desgaitasun maila ehuneko 75ekoa edo handiagoa daukan 18 urtetik gorako ardurapeko seme-alabaren ziozko esleipen ekonomikoaren osagarria, esleipen ekonomiko horren titulartasuna gurasoetako batena, tutorearena edo pertsonarena berarena den gorabehera.

c) Kotizaziopekoa ez den baliaezintasun pentsioaren osagarria, beste pertsona baten beharra edukitzearen ziozkoa, urriaren 30eko 8/2015 Legegintzako Errege Dekretuak, Gizarte Segurantzaren Lege Orokorren testu bategina onartzen duenak, 364. artikulua ezarritakoari jarraiki.

d) Hirugarren pertsona baten laguntzaren ziozko sorospena, Minusbaliatuen Gizarteratzeari buruzko apirilaren 7ko 13/1982 Legearen 12.2 c) artikulua arautzen duena, eta Desgaitasuna duten Pertsonen Eskubideei eta haiek Gizarteratzeari buruzko Lege Orokorren testu bateratua onartzen duen azaroaren 29ko 1/2013 Legegintzako Errege Dekretuak mantentzen duena, legegintzako errege dekretu hori indarrean jarri baino lehenagotik hura jasotzen duten eta dekretu horren xedapen iragankor bakarrean ezarritako baldintzak betetzen dituzten pertsonentzat, esleipen ekonomiko horren titulartasuna gurasoetako batena, tutorearena edo pertsonarena berarena den gorabehera.

Paragrafo honetan jasotako prestazioak ez dira zenbatuko gaitasun ekonomikoa kalkulatzeko errenta zehaztean, baldin eta jaso beharreko prestazioaren zenbatekotik kendu behar badira.

2.- Artikulu honetan aurreikusitako kenketak ez dira aplikatuko zerbitzuari lotutako prestazio ekonomikoa ematen denean atsedenerako modalitatean, atsedenerako zerbitzuak erabili ahal izateko eguneko zentroan edo eguneko arreta zerbitzuan, adinekoentzako gaueko zerbitzuan edo zentroan, adinekoentzako ostatu zerbitzuan (etxebizitza komunitarioa), desgaitasuna edo buru gaixotasuna duten pertsonentzako laguntzadun etxebizitzan, edo egoitza zerbitzuan edo zentroan –denak ere gizarte zerbitzuen foru saretik kanpokoak–. Horrelakoetan foru dekretuz zehazten diren zenbatekoak bakarrik hartuko dira kontuan, 26. artikuluan adierazi bezala.

Bederatzigarrena. Aldatzea Diputatuen Kontseiluaren abuztuaren 1eko 39/2014 Foru Dekretuaren lehenengo xedapen gehigarria, arautzen dituena autonomiaren aldeko eta mendekotasunari arreta eskaintzeko sistemako prestazio ekonomikoak Araban: mendekoak familia barruan zaintzeko eta zaintzaile ez profesionalak laguntzeko prestazio ekonomikoa, laguntza pertsonalaren prestazio ekonomikoa eta zerbitzuari lotutako prestazio ekonomikoa. Honela geratzen da hori:

XEDAPEN GEHIGARRIAK

Lehenengoa. Salbuespenezko egoerak.

1.- Salbuespen gisa, inguruabarrek hala eskatzen dutenean eta txosten teknikoek hala baloratzen eta justifikatzen dutenean, Gizarte Ongizaterako Foru Erakundeak zilegi izango du, Mendekotasun egoera aitortzeko, desgaitasuna kalifikatzeko eta garapenaren arazoak edo horiek jasateko arriskua aitortzeko prozedura eta horrelako kasuetan Arabako gizarte zerbitzuak eta diru prestazioak jasotzeko eskubidea eta prozedura arautzen dituen uztailaren 22ko Diputatuen Kontseiluaren 36/2014 Foru Dekretuaren 44. artikuluan araututako salbuespenezko egoerak aplikatzeaz gainera, honako salbuespen hauek aplikatzea:

a) Familia ingurunean zaintzeko eta profesionalak ez diren zaintzaileei laguntzeko prestazio ekonomikoa jasotzeko aukera ematea laguntza horiek jasotzeko baldintzak betetzen ez dituztenei, hargatik eragotzi gabe foru dekretu honen 12. artikuluan aurreikusitako salbuespenak.

b) Zerbitzuari lotutako prestazio ekonomikoaren kasuan, foru dekretu honen 26., 27., 28., 29. eta 30. artikuluetan (aplikagarriak diren neurrian, kasuaren arabera) xedatutakoaren arabera zehaztutako prestazioez gain diru kopuru osagarria ematea Gizarte Ongizaterako Foru Erakundearen iritziz ikuspegi sozioekonomikotik aparteko babesgabezia duten pertsonen, eguneko zentroan edo eguneko arreta zerbitzuan sartu ahal izan daitezen, edo adinekoentzako gaueko zerbitzu nahiz zentroan, edo adinekoentzako ostatu zerbitzuan (etxebizitza komunitarioa), edo desgaitasuna edo buru gaixotasuna duten pertsonentzako laguntzadun etxebizitzan, edo egoitza zerbitzu nahiz zentroan, modalitate arruntean zein atsedenerako modalitatean.

Mendekotasuna duen pertsonak ikuspegi sozioekonomikotik aparteko babesgabezia duela pentsatuko da honako inguruabar hauek batera gertatzen direnean:

– Pertsonak beharrezkoa badu eguneko zentroan edo eguneko arreta zerbitzuan sartzea, edo adinekoentzako gaueko zerbitzu nahiz zentroan, edo adinekoentzako ostatu zerbitzuan (etxebizitza komunitarioa), edo desgaitasuna edo buru gaixotasuna duten pertsonentzako laguntzadun etxebizitza, edo egoitza zerbitzu nahiz zentroan –atsedenaldi baterako nahiz egonaldi luzeago baterako–, horixe delako beraren beharizanetarako eta egoera pertsonalerako irtenbide egoki bakarra, artapenaren ikuspuntutik. Aurrekoari dagokionez, mendekotasuna duen pertsona berarentzako aukera egoki bakartzat jotzen den zentro edo zerbitzuan sartzeko justifikazioa kasu bakoitzaren izaeraren arabera eskumena daukan Gizarte Ongizaterako Foru Erakundeko arloko zuzendariordetza teknikoak egingo du. Horretarako txostena emango du eta txosten hori administrazio espedienteari erantsiko zaio.

— Bere gaitasun ekonomikoa, 26., 27., 28., 29. eta 30. artikuluetan xedatutakoaren arabera zehaztutako prestazioaren zenbatekoari gehituta, kasuaren arabera aplikatzekoak diren heinean, kasuan kasuko zentro edo zerbitzuari dagokion prezioa ordaintzeko nahikoa ez denean, edo, gaitasun ekonomiko nahikoa izan arren, pertsonak prezio hori ordaintzeko behar besteko likideziarik ez duenean, Gizarte Ongizaterako Foru Erakundeak hornitutako zerbitzuen prezio publikoak arautzen dituen foru araudi erregulatuazalean egoera horiek zehazten diren baldintzetan. Aurrekoa dela eta, Gizarte Ongizaterako Foru Erakundeak azterketa ekonomikoa egiteko eskumena duen arloko zuzendariordetza teknikoak baloratuko du ahalmen ekonomikoaren edo likideziaren urritasuna. Horretarako txostena emango du eta txosten hori administrazio espedienteari erantsiko zaio.

Aparteko babesgabetasun egoera aintzat hartzeari dagokionez, aurrean azaldutako irizpideez gainera, kontuan hartu ahal izango da mendekotasuna duen pertsonaren ohiko bizilekuan bizi-gokitasun edo ekipamendu baldintza ezegokiak edota oztopo arkitektonikoak egotea.

Kasu guztietan ere, b) letra honetan araututako diru kopuru osagarria ematen denean ordainketa geroratu da eta zorra aitortu da, eta aplikagarriak izango dira Gizarte Ongizaterako Foru Erakundeak ematen dituen zerbitzuen prezio publikoei buruzko foru araudian haiei buruz dauden aurreikuspenak, salbu eta pareko foru baliabidea eskuratuz gero ordainketa geroratzea edo zorra aitortzea ekarriko ez luketen kasuetan, hura eskuratzerik ez badagokie.

Horrelakoetan, Gizarte Ongizaterako Foru Erakundeak bermeak eskatu ahal izango ditu, Gizarte Ongizaterako Foru Erakundeak ematen dituen zerbitzuen prezio publikoei buruzko foru araudian berme horiek zehazten eta antolatzen diren baldintzetan.

Aurrekoa gorabehera, ezohiko babesgabezia egoera deklaratu ondoren, ikuspegi sozioekonomikotik zerbitzuari lotutako prestazio ekonomiko gehigarri bat aitortu zaien pertsonari plaza bat esleituko zaie eskatu duten baliabidean, eta onartu egin beharko dute. Bestela, plaza hori esleitzen den egunetik aurrera aitortu dakioken zenbateko gehigarria azkenduko da.

c) Zerbitzuari lotutako prestazio ekonomikoa aitortzea ohiko modalitatean Euskal Autonomia Erkidegoko beste lurralde historiko batean edo autonomia erkidego mugakide batean kokatuta dauden zentroak erabiltzeko, betiere zentro horiek funtzionamendurako baimena badute lurralde historiko edo erkidego horretan.

2.- Salbuespen espedienteak onartzeko aplikatu beharreko prozedura Mendekotasun egoera aitortzeko, desgaitasuna kalifikatzeko eta garapenaren arazoak edo horiek jasateko arriskua aitortzeko prozedura eta horrelako kasuetan Arabako gizarte zerbitzuak eta prestazioak jasotzeko eskubidea eta prozedura arautzen dituen uztailaren 22ko Diputatuen Kontseiluaren 36/2014 Foru Dekretuaren 44. artikuluan ezarritakoa izango da.

Hamargarrena. Aldatzea Diputatuen Kontseiluaren abuztuaren 1eko 39/2014 Foru Dekretua, arautzen dituen autonomiaren aldeko eta mendekotasunari arreta eskaintzeko sistemako prestazio ekonomikoak Araban: mendekoak familia barruan zaintzeko eta zaintzaile ez profesionalak laguntzeko prestazio ekonomikoa, laguntza pertsonalaren prestazio ekonomikoa eta zerbitzuari lotutako prestazio ekonomikoa, laugarren xedapen gehigarria erantsita. Honela geratzen da hori:

Laugarrena. Zainduz Araba programa.

1.- Familia ingurunean zaintzeko eta profesionalak ez diren zaintzaileei laguntzeko prestazio ekonomiko baten titularrek zerbitzuari lotutako prestazio ekonomiko bat eskatzen badute atsedean modalitatean eta babes maila gehigarrian, urte bakoitzaren barruan zerbitzuaren lehen hamabost egunak gozatzeko, prestazioa eskatzen den unean Arabako Lurralde Historikoan errolatuta eta benetan bizi direla egiaztatu beharko dute soilik.

Gainerako betekizun orokor eta espezifikokoak osorik eskatuko zaizkie.

2.- Atsedean modalitatean eta babes maila gehigarrian zerbitzuari lotutako prestazio ekonomikoaren zenbatekoa, zerbitzuari lotutako lehenengo hamabost egun horietan, koadro honen arabera dagokiona izango da:

GIZARTE ZERBITZUEN FORU SARETIK KANPOKO ZENTROETARAKO SARBIDEA FINANTZATZEKO ZERBITZUARI LOTUTAKO PRESTAZIO EKONOMIKOA, ALDI BATERAKO, ATSEDEAN FORMULA GISA, URTE NATURAL BAKOITZEKO EMAKIDAREN LEHEN 15 EGUNETAN, ESKAERA EGITEN DEN EGUNEAN ALHN ERROLDATUTA DAGOELA EGIAZTATUTA

	ADINEKOAK	EZINDUAK EDO GAIXOTASUN MENTALA DUTEN PERTSONAK
Egoitzak	95,00 euro/eguneko	137,00 euro/eguneko
Eguneko zentroak	65,00 euro/eguneko	94,00 euro/eguneko

3.- Prestazio hori jaso ahal izateko, beharrezkoa izango da titularra ez izatea prezio publikoaren salbuespen partzial baten onuradun, Gizarte Ongizaterako Foru Erakundeak Zainduz Araba Programa baliatzeko aldi hori burututako zerbitzuen prezio publikoak arautzen dituen indarreko arauan xedatutakoaren arabera.

Hamaikagarrena. Baliogabetzea Diputatuen Kontseiluaren abuztuaren 1eko 39/2014 Foru Dekretuaren bigarren xedapen iragankorra, arautzen dituen autonomiaren aldeko eta mendekotasunari arreta eskaintzeko sistemako prestazio ekonomikoak Araban: mendekoak familia barruan zaintzeko eta zaintzaile ez profesionalei laguntzeko prestazio ekonomikoa, laguntza pertsonalaren prestazio ekonomikoa eta zerbitzuari lotutako prestazio ekonomikoa.

AZKEN XEDAPENA

Foru dekretu hau ALHAOn argitaratu eta hurrengo egunean jarriko da indarrean, salbu eta laugarren xedapen gehigarri berriari dagokiona, haren ondorioak 2019ko uztailearen 1etik aurrera izango baitira.

Vitoria-Gasteiz, 2021eko ekainaren 29a

Diputatu nagusia

RAMIRO GONZÁLEZ VICENTE

Gizarte Politiken Saileko foru diputatua

EMILIO SOLA BALLOJERA

Gizarte Zerbitzuen zuzendaria

ANA BELÉN OTERO MIGUÉLEZ